



BOSNA I HERCEGOVINA  
PARLAMENTARNA SKUPŠTINA  
ZASTUPNIČKI DOM

**Komisija za vanjske poslove**

Broj:01/2-011-372,1/01

Sarajevo, 21.07.2001.

**ZAPISNIK**

sa sedme sjednice Komisije za vanjske poslove

Sjednica je održana dana 4.07.2001.godine sa početkom u 11,00 sati.

Sjednici su prisustvovali sljedeći njeni članovi: Marko Amidžić, Mediha Filipović, Željko Bilbija, Branislav Lolić, Sead Buturović, Salih Kulenović, Boro Bjelobrk i Momir Tošić.

Sjednici je prisustvovao i predsjedavajući Predstavničkog doma Parlamentarne skupštine BiH, gospodin Sead Avdić

Sjednici nije bio prisutan Mariofil Ljubić.

Predsjedavajući Komisije za vanjsku politiku predložio je sljedeći

**DNEVNI RED**

1. Verifikacija zapisnika sa 6.sjednice Komisije za vanjske poslove Zastupničkog doma Parlamentarne skupštine BiH održane 5.jula 2001.godine i zapisnika sa zajedničke sjednice komisije oba doma Parlamentarne skupštine BiH, održane istog dana.
2. Orjentacioni radni plan Zastupničkog doma Parlamentarne skupštine BiH za 2001.godinu.
3. Informacija o aktivnostima i učešću u seriji javnih rasprava o izradi nove platforme vanjske politike BiH (Banja Luka, Mostar, Brčko i Tuzla) – izvješće o učešću članova komisije.
4. Pregled međunarodnih protokolarnih aktivnosti i verificiranje protokola boravka delegacije Parlamentarne skupštine BiH (koja su komisiji dostavljena)
5. Razmatranje mogućeg dnevnog reda za narednu sjednicu Komisije za vanjske poslove (sadržaj, moguća osnova za raspravu, učesnici i vrijeme)
6. Tekuća pitanja.

Predloženi dnevni red je jednoglasno usvojen od strane članova Komisije uz intervenciju predsjedavajućeg Komisije da se pod 5 tačkom dnevnog reda razmotri sljedeće:

- a) Sporazum između Bosne i Hercegovine i Republike Hrvatske o načinu korištenja Održavanja željezničke pruge Bihać- Knin i obavljanju nadzora od strane državnih Graničnih tijela;
- b) Sporazum između Bosne i Hercegovine i Rumunije o unaprijeđenju i recipročnoj zaštiti investicija ;
- c) Sporazum o unaprijeđenju i zaštiti investicija između Bosne i Hercegovine i Republike Makedonije;
- d) Ugovor o određivanju graničnih prijelaza između Bosne i Hercegovine i Republike Makedonije;
- e) Ugovor o državnoj granici između Bosne i Hercegovine i Republike Hrvatske

Ad.1. Zapisnik je jednoglasno usvojen ,bez izmjena i dopuna.

Ad.2. Gospodin Amidžić je upoznao prisutne sa sadržajem radnog plana Predstavničkog doma, istakavši svu važnost dokumenta uz konstataciju da će ovaj program pomoći u dopuni rada komisije,poštujući vremensku dinamiku aktivnosti. Gospodin Bjelobrk pokrenuo je pitanja koja su direktno uključila predsjedavajućeg Zastupničkog doma Parlamentarne skupštine gosp.Seada Avdića u otvorenu diskusiju. Pitanja su se odnosila na proces obezbjeđivanja platforme za vanjsku politiku i plan intervjua za ambasadore. U raspravi su učestvovali svi članovi komisije nakon čega je zaključeno;

- a) Na temelju ovog dokumenta treba ojačati rad Komisija dajući Komisijama mogućnost njihovog punog ispoljavanja sukladno domenu datom Poslovniku i iskustvima u radu Zastupničkog doma.
- b) Sačiniti termin – plan koordiniranja rada na pitanjima iz Orjencionog plana Zastupničkog doma i Programa rada Komisije za vanjske poslove u 2001 godini tako da Komisija planira razmatranje sljedećih pitanja iz Orjencionog plana za 2001.godinu:
  1. svibanj : A) 3., 12., 14.  
B) 2., 4.,7.,8.,12.,13.
  2. lipanj : B) 1.,2.,4.,6.
  3. srpanj : A) 5.,6.
  4. kolovoz: B) 2.,3.
  5. listopad: B) 2.,3.
  6. studeni : B) 2.
  7. prosinac : 5.,6.,7.,8.,9.,12.,13.

- c) Od strane Komisije za vanjske poslove Zastupničkog doma uputiti pismo svim delegacijama Parlamentarne skupštine BiH o obvezi da se prije svakog puta i posjete sačini strategija (plan) nastupa delegacije, da se dogovori procedura brifinga u MVP, Vijeću ministara ili Presjedaništvu BiH; da se nastoji da delegacija nastupi sa bar jednim usaglašenim izlaganjem, a ako to nije moguće izložiti u tijeku posjete, onda ga priložiti u pismenom obliku u dokumentaciju skupa kojem se prisustvuje. Sve ove materijale dostavljati Komisiji za vanjske poslove od starne delegacije najkasnije 7 dana prije polaska kako bi se Komisija očitovala o tome.
- d) Od Kolegija Zastupničkog doma Vijeća ministara i Ministarstva vanjskih poslova BiH, pismom Komisije za vanjske poslove tražiti održavanja tematske sjednice Zastupničkog doma i Doma naroda Parlamentarne skupštine BiH na temu: Strategija vanjske politike BiH i Politike sigurnosti BiH.
- e) Pozivajući se na Program rada Komisije i Orjencionog radnog plana Zastupničkog doma u 2001. godini, obratiti se pismom Ministarstvu vanjskih poslova BiH radi suradnje i izrade: plana intervjua sa veleposlanicima (stranim i domaćim) kao oblika suradnje sa članovima Parlamenta BiH.
- f) Organizirati zajednički sastanak Komisije za vanjske poslove Zastupničkog doma sa svim stalnim delegacijama Doma u međunarodnim i drugim organizacijama, uz poziv predsjedatelju Zastupničkog doma i ministra vanjskih poslova na temu: Predstavljanje BiH u inozemstvu i kontaktima sa strancima u BiH, uloga veleposlanika BiH u zemlji u koju dolazi naša delegacija.
- g) O svakoj značajnijoj i sadržajnijoj sjednici Komisije za vanjske poslove izvješćivati javnost BiH, pozivom na sjednicu ili priopćenjem.

Ad.3. Konstatirano je da su na okruglim stolovima prisustvovali članovi Komisije za vanjske poslove i to kako slijedi:

- Banja Luka: Marko Amidžić, Željko Bilbija i Branislav Lolić.
- Tuzla: Sead Avdić i Salih Kulenović.
- Brčko i Mostar: članovi Komisije nisu prisustvovali okruglom stolu zbog ranije preuzetih dužnosti.

Prijedlog gospodina Kulenovića da se izlaganja sa okruglih stolova štampaju u vidu publikacije jednoglasno je prihvaćen. Zaključak je da se materijali sa okruglih stolova dostave članovima Komisije za vanjske poslove.

Ad.4. U raspravi su učestvovali svi članovi Komisije za vanjske poslove i prisutnim se obratio gospodin Avdić upoznavši ih sa predviđenim aktivnostima delegacije Parlamentarne skupštine BiH u posjeti Republici Sloveniji. Primarni cilj posjete je uspostava međunarodne parlamentarne suradnje, zatim rješavanje pitanja štediša Slovenačke banke i pitanje uvoza i izvoza između Slovenije i BiH.

Zaključeno je da se uputi službeni poziv Državnom zboru Republike Slovenije da posjeti Parlamentarnu skupštinu BiH u periodu 9 – 11. jula 2001. godine, kao i da se obavi pripremni sastanak Komisije za vanjske poslove sa predstavnicima iz Ministarstva za vanjske poslove i Ministarstva za civilne poslove.

Ad.5. Komisija za vanjske poslove je nakon kraće rasprave dala suglasnost za ratifikaciju :

- e) Sporazum između Bosne i Hercegovine i Republike Hrvatske o načinu korištenja Održavanja željezničke pruge Bihać- Knin i obavljanju nadzora od strane državnih Graničnih tijela;
- f) Sporazum između Bosne i Hercegovine i Rumunije o unaprijeđenju i recipročnoj zaštiti investicija ;
- g) Sporazum o unaprijeđenju i zaštiti investicija između Bosne i Hercegovine i Republike Makedonije;
- h) Ugovor o određivanju graničnih prijelaza između Bosne i Hercegovine i Republike Makedonije;
- i) Ugovor o državnoj granici između Bosne i Hercegovine i Republike Hrvatske, uz zahtjev nadležnom organu da se očituje sa konkretnom mjerom rješavanja problema Kostajnice. U ovom postupku su se izuzeli gosp. Željko Bilbija , gosp. Branislav Lolić i gosp. Momir Tošić.

Ad.6. Kao mogući termin naredne planske sjednice Komisije predlaže se dan prije održavanja sjednice Doma početkom VIII. 2001.godine u 12,00 sati (radi omogućavanja dolaska zastupnika sa udaljenijim prebivalištem, a dnevni red mogle bi sačinjavati:

- A) Točke: 1.,2.,3.,4.,7., i 8. Programa ( VII – IX)
- B) Točke: 3. Aneks programa i
- C) Materijali Zastupničkog doma prema preporuci Kolegija doma.

Sjednica je završena u 13.30 sati.

**PREDSJEDATELJ KOMISIJE  
ZA VANJSKE POSLOVE**

**Marko I. Amidžić,dipl.ing.s.r.**